

永樂大典

卷六千五百二十
四

同日開封府界提點司乞免封樁關額禁軍請受等詔惟錢特免之二年七月二十一日詔在京開封府界見封樁關額諸軍請受可並送內藏庫別封樁三年六月二十四日詔河北沁遼州軍禁軍關額未歸群牧司封樁四年六月二十有六日詔應熙河路及朝廷所遣四將漢蕃軍馬錢帛糧草並委經制管勾官馬申胡宗哲計度應副如不足以封樁關額禁軍衣糧并封樁錢帛充若關以茶場司錢穀充五年正月二十四日詔開封府界諸路封樁禁軍關額錢除三路外及淮浙江湖等路增刺鹽錢江西貴廣東益錢福建路賣鹽息錢並輸措置河北雜使司先借支內藏庫錢三十萬緡于河北雜使司以福建路鹽息運五月一日詔內外關額禁軍例物元減半或全不支處並依式全支已全支處權增千錢以封樁禁軍關額錢給七年六月一日詔河東路銷廢五指揮禁軍錢糧即非一路兵額偶有關數衣糧之比並封樁以給提舉保甲司起教之費

八月二十七日權發遣同經制熙河蘭會路邊防財用馬申乞免熙河路封樁新復五州軍關額禁軍請受詔自今更不封樁其已封樁者檢與經制司十月九日詔諸路封樁關額禁軍錢穀並依元豐令隨市直變易其不得減過元雜納價法除之哲宗元祐元年十月十五日河北轉

永樂彙纂卷之五十四

二

運司言今本路封樁禁軍關額請受請立法止於邊路樁管如有不可停貯即令提刑司變轉見錢封樁從之二年四月二日樞密院言臣僚奏乞罷內外封樁禁軍關額按熙寧十年二月詔旨內外禁軍已有定額三司及諸路計置請受歲有常數其間偶有關額未招揀人充填所餘請受亦合樁管竊詳詔旨內外禁軍係經熙寧已來節次減廢併合各已立定實額即與舊日虛數不同朝廷為諸路監司吝惜財費不務招揀致漸耗兵數無以督責遂立約束關額請受悉行封樁迄今十年雖所樁到錢物甚多未嘗輒借佗用今若悉罷封樁深慮諸路監司因循觀望不肯留心蒐補兵備不唯有乖前日減併軍額之意兼恐緩急關兵有誤大軍詔除三路二廣更不封樁外在京府界及其餘路分並依舊封樁仍只封樁衣糧料錢餘亦與免三年五月十七日詔府界諸路封樁禁軍關額錢帛後來創置過禁軍指揮並先據數除出候不及舊額之數方依條封樁仍著為令紹聖元年九月二十一日京西路轉運司言本路財賦素窘乞特免封樁廂軍關額請受詔今後諸路廂軍馬遞鋪關額不及一分處並免封樁衣糧料錢關額一分已上處與免一分元符三年六月十八日樞密院言勘會府界諸路封樁禁軍關額請受并收租錢物係專充應

副陝西新置蕃落。及招置河北廣威等軍。其請受等費用。契勘日近。所在官司往往緣違事支借過上件錢物。即未有撥還之期。竊慮有誤指準。詔今後雖得朝旨許支借諸司封樁錢物。其兩色錢即不得一例借支。如違其應干官吏並依擅支借封樁錢物法科罪。徽宗大觀二年六月二十一日。詔內外馬步軍。自今更不封樁衣糧。應干闕額。依舊招填其例物。於已樁闕額錢物內支給。三年七月二十二日。詔應內外禁軍闕額請受。依熙寧元豐以來舊法封樁。仍具狀申樞密院。政和元年七月二十四日。詔內外禁軍闕額封樁錢。自今應官司陳乞支借者。及支遣主司並科違制之罪。應今日以前借過未還者。並注于籍。限三年拘轄撥還。仍先具逐件錢物元借年月事因。已未還數。申樞密院。今後每季依此。四年八月十三日。樞密副承旨范訥言。京畿提刑司乞免封樁禁軍闕額時服賞給等緣禁軍闕額請給。始自熙寧十年為頭封樁。及元豐四年六月王得臣申請封樁勘給式。聲說應係合請衣賜賞給錢帛節料衣襖之類。並依旁式收破供申。今來所乞。有礙前後條令。詔申明行下。餘路依此。八年五月二十七日。樞密院言。勘會樞密院所管諸路禁軍闕額錢物。並降指揮變易輕貨上京。於左藏庫送納。今宣旨庫立法。今擬脩下條。諸禁軍闕

永樂大典卷六五二四

三

額封樁物。應變易輕貨上京者。逐州具管押人職依姓名。納訖年月日。交付與左藏庫。是何人收領。文狀入急遞申樞密院。詔依脩定。宣和元年三月十三日。樞密院言。契勘在京及諸路內外禁軍闕額封樁。凡帛錢物不少。竊慮內外官司用例。起請借支。截發使用。詔內外官司敢有奏請借用者。以違制論。不以去官故降原減。雖奉特旨。衡改仰樞密院執奏。六年三月十九日。戶部奏。前權發遣寧州游驛副使。諸州軍封樁禁軍闕額。旁每月並依見管禁軍於勾院通勘。并春冬衣賜及坐庫等。既勘成熟。旁往往逐處公吏偷盜出上件熟旁。與外人結合。指改便與見管禁軍一例。夾帶支請。欲乞將已勘成熟。旁令逐州長貳拘收。毀抹未勘者。截日住罷。委是有補。潛計從之。高宗建炎元年十月初九日。詔諸路帥司及轉運司同其計會。一路合添兵數。及每歲所收。可以供贍若干。可以令諸州各具中尚書省樞密院。及諸路帥司轉運司。不得隱漏。商奉所有舊管軍兵。止據見管人數。外將合樁闕額錢。亦計入今來。可充招贍新軍之數。二年二月二十八日。詔請康元年正月一日。至建炎二年正月一日。已前逃亡事故軍兵。合支錢糧。通為闕額數。月除陝西路依舊招填。舊闕。及京畿京西河北。京東河南。路依今來措置。專招可以制禦。鐵騎。振華新軍。外餘

路並令以前項錢糧并已降指揮科撥案名錢物相兼招置新法弓手及本處關額軍兵以尚書省言天下禁軍兵籍取會未到欲且以靖康元年正月一日實管之數為準令諸路提刑司計當充額管兵籍比較建炎二年正月一日見管實數闕少若干先次施行一面具申樞密院御營使司故有是命紹興元年六月二十六日福建路轉運使朱宗言本路軍政敗壞主將兵官唯務姑息坐費糜食欲今後禁軍有闕權住招填其闕額錢米別庫樁管不得他用以備緩急支費詔依候本路盜賊軍息日依舊招填二年六月八日詔恢復丙軍兵經過州縣收支過錢糧去處分委監司專差屬官遍諸州縣驅磨元收到及實支見剩之數收其贏餘儲在別庫以待不時之須免復歛民庶幾姦吏不得侵盜以臣條言自童貫用事陝西已來財用費出不復驅磨因得侵盜盡耗比年軍旅存興州縣芻廩空乏不免取給於民而官吏並緣為姦轉為一切科歛之政既不

永樂大典卷六十五十四

四

於民未便想所在州軍雖有不經兵火殘破者軍期調撥應副科教力不暇給今立近限起發積年樁管定見追呼集繁朕不忍焉可復令諸憲司疾速行下州郡將建炎四年以前未納錢物並行除放銷毀簿籍其紹興二年合樁納數今自紹興三年為始分作四限每年帶納一限十二年七月十日京西南路提刑司言本路諸州樁撥關額錢絲索遭殘破所以微薄兼又抵近新界相去不遠難以責令樁辦望詳酌寬行展免三五年前州縣興葺稍成次第日依舊樁發戶部契勘隨州廂禁軍關額錢物斛斗已承指揮免至紹興十一年終合自十二年收樁其餘州軍免至紹興十一年五月分今欲下京西南路提點刑獄司將本路州軍廂軍禁軍關額請受一例免至紹興十一年終仍並自十二年為始收樁從之十月二十九日知紹興府樓炤言昨緣奉使韓球將諸軍關額錢數請受申請行下本府總數封樁起發紹興十一年十一月三日得旨展免一年自來年為始認發上府常賦有限實無寬餘可以樁發詔更與展一年候限滿依數起發二十七年五月十四日戶部言秘書丞楊拜弼言潭州舊屯駐大軍二千人積減下一千人其券食等錢係諸縣分認每月解錢七千餘貫號曰贍軍並是巧作名目如收納麴引錢罪賞錢約束錢罰錯錢實

永樂大典

卷六五二四

紙錢詞狀到事錢諸色助軍錢之類種種不一乞將見料贖軍錢以十分
 為率減免三分今本州通勘應劄今看詳逐項料取名色皆是違法雖稱
 減免三分若不盡除誠恐未副朝廷寬恤之意欲下潭州將見今料取名
 色並罷其見此官兵歲計止以本州係省財賦應劄如或違戾委各路提刑
 轉運司按劾仍免格減下千八百根錢 三十年八月二十三日戶部侍郎兼
 權樞密都承旨錢端禮言諸路州軍關額請給封樁每季起納納左藏庫
 其數申樞密院注籍每上半年輸都副承旨點檢得旨今戶部拘催乞自
 今令提刑司於逐州各選職官一員專行主管拘籍別庫格納月具關額
 軍分人數請給則例并格到錢物數申提刑司從本司檢察類聚季具一
 路逐州都帳供申樞密院并戶部奉照稽考如所委官隱漏失實並依無
 額上供法科罪並從之 十二月十五日准東提刑司言秦州額管禁軍兩指
 樁昨為累經兵火所管人數不及元額自紹興十六年後來每歲那撥係省錢
 三百八十貫米麥共五十六碩變難見錢分作四季起行在送納充禁軍關
 額請受承近降指揮將禁軍關額請給盡數收樁每年合格錢米水賜等
 共折計錢一萬七千六百餘貫委實關之難以依舊管軍額格辦乞但今本州依
 逐年所格數目按季解發候將來戶口增添荒田遍墾仇賦稍復舊日依數格發

水樂真卷六五二四

五

詔從之 三十一年五月六日中書門下省言淮南京西路州軍及湖北路信
 陽軍每歲合起禁軍關額錢緣戶口全未如舊理宜優卹內楚濠蔣州盱眙
 軍安豐軍已展元至紹興三十一年終詔並與放免五年內楚濠蔣州盱眙
 軍自紹興三十二年為始照免 孝宗隆興二年十二月十六日德音赦楚濠光州
 盱眙化軍管內并楊成西和州襄陽德安府信陽高郵軍勸會逐州軍
 招填廂禁軍關額請給錢物內已有指揮免起年限竊慮未能格辦可更
 與放免二年 乾道元年二月三日詔令諸路帥憲司行下所部州軍今
 後合起發封樁廂禁軍關額請給等特與免行起發其關額須管措置招
 填 七年二月十日知臨安府韓彥古言本府崇節廂軍止管五百人今
 管一千八百三十五人揀點得元所管五百人止有正身三百四十九人
 合行存留其餘一千四百八十六人不是正身皆係逃軍說名之人已開
 落名籍一歲省減衣賜糧米共計七萬二千四百貫二百五十五文省除
 於內截撥錢文遣添置重祿公人請俸招刺廂軍五百人外餘錢撥人格管
 聽候朝廷指揮從之 六月二十四日戶部言鄂州荆南建康諸軍已
 差官點閱官兵內有冒名承代并虛請揀汰等將來合減下錢物乞指揮
 放行詔各令總領所今項樁管非奉朝廷指揮不得擅行費用月具減下

實數申三省樞密院。七月五日，詔知閤門事王抃判南都統制秦琪同共點揀荆南官兵，其減下錢米，令總領所令項椿管不得擅行支用。九年八月三日，樞密院言：諸路州軍禁軍封樁闕額請給等依條合行起赴左藏庫，昨與先行起發招填須管數額，據諸處申到兵帳逐年依舊不敷元額，詔令諸路帥司行下所部州軍開具免行起發後逐年招到人數曾無數額其闕額未招人數請給等見作如何封樁支使逐一具申樞密院。都梁志別解封樁庫牙契錢牒，勘合近準省劄行下開具截日終牙契未抱認州軍三年內解數具申本所已具三年所收數回申朝廷，未行下聞據湖南運司申并繳連到潭衡等九州軍府中乞抱認錢數當所遂行備申朝廷取自指揮施行。今準淳祐六年八月二十九日尚書省劄于節文生下諸郡合抱認錢數內武岡軍每年且抱認一萬文右劄付所照應抱解，准此具呈取會廳書擬欲備省劄指揮牒承抱自今年七月一日為始，分作上下半年起發，仍牒元委監司照應拘解未抱認以前合行分隸錢數送納三月奉台判行當司除已牒轉運司照應拘催外，牒請遵照牒內備去省劄指揮事理嚴勤承吏將合抱認牙契錢成年以十八界會一萬貫文為額，自淳祐六年七月一日為始，分作上下半年起解，每半年

永樂彙纂卷之五十四

六

合解五千貫文至限連將已抱認錢數，差人押赴運司交納，團併起發，仍請將今年七月以前已收過合分隸牙契一半錢數照限三日盡數解赴運司，先次起解，差人管押赴封樁庫送納，即具已起發赴運司交納月日錢數文狀供申，不請占吝，遷延稽滯。淳祐六年九月十一日牒金玉新書允留新物封樁庫原物，諸朝廷封樁錢物，提點刑獄司以時允留新物本處無者所部通融撥充，其非參路或非要便處無可允及無多用併不堪留者，並轉易錢封樁，若別司准朝旨支借，給訖報本司，封樁闕額驗申諸朝廷封樁，并禁軍闕額封樁錢物，提點刑獄司每半年差官點檢已未封樁數，比對州縣元申同異，保明申本司驗實申樞密院及尚書省，封樁軍馬請給，諸路軍馬差赴陝西河東路應封樁請給，若本路創添禁軍并權駐泊軍馬轉運司當辦者，以應辦數於封樁內除之，較難允錢計置，諸封樁較難允到錢，應計置本色者如數封樁，即因失難允而致損敗或難不及元價者，計所虧官吏均備，買絹依價充撥，諸州應出賣預買絹者，諸司朝廷封樁錢依價充撥，起發上供，朝廷封樁錢不入，以常平未用錢充撥，樞密院有封樁錢保數撥送，朝旨借訖具申諸禁軍闕額封樁錢物，如朝旨支借訖，提點刑獄司具朝旨及名數申

樞密院... 諸朝廷及尚書戶部封樁錢物... 許支借仍具事因錢數中所屬給限撥還若充... 定錢物或召人入使可省運送之費而無妨... 應支關額錢物 諸應支封樁禁軍關額錢物... 西河東路軍馬請受內借支候封樁到撥還... 封樁錢物無所隸官司者委提點刑獄司... 察他司不得使用 借給散買物帛 諸借封樁... 雜穀其頭子錢支費有餘者元借給官司封樁... 點刑獄司應封樁錢物於軍資庫省倉別... 買寄物主家 諸官司已買物未令入官而... 擅借封樁錢物 諸擅支借封樁錢物... 考徒二年及罪應支借而於今有違各已... 減未斷而還足者養裁 封樁奏乞支借... 歛奏乞支借及准朝旨支借而不報所屬... 不收入者各杖一百 供帳隱漏不實...

永樂無卷六十五百十四

某軍關額請給帳帳同及承取索回報而隱漏不實者各徒二年不依式若
 名數交互杖八十 供帳稽程違限杖八十 諸供朝廷封樁錢物及禁
 軍關額請給帳樁程者一日杖八十 日加一等罪止徒二年供申收附
 違限者各減二等 過網應附不附 諸禁軍關額封樁錢物應
 附網而過網不附若應計網起發而過數不計網起發及不先具物數申
 樞密院者杖八十 支用不盡申省倉庫 諸歲收絲綿緇絹至年終
 支用不盡並封樁具數申尚書省仍估中價以坊場錢充買起發上供
 色額不同申部倉庫 諸封樁物歲久當職官相驗以新物充易 諸
 休年次若色額不同申尚書本部 關額請給違限杖八十 諸禁軍關
 額請給封樁違限者杖六十三日加壹等罪止杖一百轉運司有犯仍具
 奏聽旨中興備封諸路安撫司封樁 諸路安撫司封樁金銀錢帛都計
 一百二十萬八千七十六兩貫尺石 金一十二兩 銀一十四萬九千
 七百七十五兩 錢六十四萬六千三百一十六貫 米粟二千八百七
 石 絹二十五萬三千七百二十七疋 紬一十五萬五千四百三十九
 疋 大名府路元豐元年七月三旬供到 金一十二兩零 銀一十一
 萬二千二百二十七兩 錢一千四百一十九貫 絹八萬七百二十四

永樂大典 卷六五二四

永樂大典

卷六五二四

以爲說若盡數與之則恐他路援而爲例朝廷視天下如一。無有厚薄。欲
悉應副則刀或有所不逮。不悉應副則轉運司無以爲計。不剝百姓。何
所取之。如此則陛下赤子必受其弊。不可不深慮也。又朝廷既委轉運使
副以一路財計。而不信其所言。虛實必遣郎官。然後可信。是使諸路使者
人人有不自信之心。每遇缺少。則倚望朝廷遣官會計。愈不任責。臣以爲
此不可爲。後法欲乞自今諸路凡有告乏。只委轉運司官會計。保明聞奏。
如有不實。即重行黜責。其誰敢妄。臣竊謂今諸路經費所以不足者。由提
刑司封樁。關額禁軍諸受錢帛斛斗萬數不少。此乃戶部轉運司本分財
計。先帝特令封樁。以待邊用。蓋恐倉猝調發不及。故爲此權宜之制。今朝
廷方務安邊。息民則封樁之法。宜悉蠲除。欲乞自熙寧十年初封樁以來。
已起發上京。及今日。已前未起發上京數目。盡以賜尚書戶部。諸路轉運
司以佐經費。今天下諸路例多窮乏。而蓄其財於無用之所。坐視困竭。而
不爲救濟。非均通有無。足用裕民之政也。緣自封樁至今。已十餘年。一旦
撥還諸路。必稍紓緩。其利害較然無疑。伏乞早降指揮。施行取進止。貼
黃臣恐議者或謂先帝以此備邊。今不當變。改臣恭聞先帝嘗有弛張之
議。蓋自古權宜之法。多不可久行。時異事殊。則後人必有更張。三代以來。

永樂大典卷六五二四

九

無不如此。若張而不弛。不唯無以濟國家之急。亦非先帝聖意。再論封
樁劄子二十三。臣近上奏乞以熙寧十年以來諸路提刑司封樁關
額禁軍諸受錢帛斛斗悉歸之尚書戶部。諸路轉運司以佐經費。以紓困
急。臣竊以當今之患在於天下空虛。朝廷不可不爲之計。封樁之與經費
均出於民。皆陛下一家之財也。苟可以利國。何所愛焉。譬如移之於東。而
運之於西。出之於內。而歸之於外也。昔唐之治天下。財賦皆納於左藏庫。
太府四時以數聞。尚書比部覆其出入。至代宗之時。租賦悉進入大盈內
庫。以中人主之。天子以取給爲便。遂不復出。以天下公賦爲人君私藏。有
司不得窺其多少。國用不能計其贏縮。殆二十年。及德宗即位。宰相楊炎
頓首於上前曰。夫財賦。邦國之大本。生人之喉命。天下理亂。輕重皆由焉。
是以前代歷選重臣主之。猶懼不集。往往覆敗。大計一失。則天下搖動。先
朝權以中人領其職。豐儉盈虛。雖大臣不得知。則無以計天下利害。請出
之以歸有司。如此然後可以謀政。德宗乃詔凡財賦皆歸左藏庫。炎以片
言移人主意。議者美之。以炎知爲相之體。德宗知爲國之務也。今封樁之
法。未至如唐之大盈。陛下聽言納諫。遠過於唐之德宗。若大臣有楊炎之
請。陛下豈有不從之者乎。昔先帝有經畧四夷之志。是故別貯以侍用。今

陛下垂拱守成志於無為蓄聚於此將安用之昔漢高祖創業老於兵間日不暇給文帝躬脩儉節勸課農桑則高祖之文帝有所不用也武帝驅攘戎狄無歲不征昭帝輕徭薄賦與民休息遂罷鹽鐵議權酷宣帝綜核名實選用郡守則武帝之法昭帝宣帝有所不用也臣前所謂時異事殊則後人必有更張自三代以來無不如此非獨漢唐也今諸路窘乏不可不救若其計窮宜先培堯是奪之於此而取之於民也惟陛下無疑於改先帝權宜之制則天下之民幸甚取進止陳次升議論上哲宗乞罷額外封樁臣竊以民財有限取之不可以過多邦賦有常用之不可以無節熙寧以前上供錢物無額外之求州縣無非法之斂自後獻利之臣不原此意唯務剗削以為已功若減一事一件則據其所減色額責令轉運封樁上供別有增置合用之物又令自辦上供名件歲益加多有司財用惟日不足既無家資之可助又無鄰粟之可貸必至多方以取於民非法之征其來乃自乎是且人主莫不有惻隱之心豈無愛民之意此年監司多以括取相高者蓋迫於歲計不足其勢不得已而然也伏自陛下臨御以來輕徭從薄賦斂澄汰括刻崇尚忠厚天下之人莫不咸被德澤歡欣鼓舞屬心內附拭目以觀太平之極效然而額外上供之數未除切恐異日

水樂人典卷六音古

供應不辦官司則有失職之責苟欲避免使漁之志復從而生未足以副陛下仁厚之德臣欲乞聖慈特降指揮勸會熙寧以來於舊上供額外初行封樁錢物並與放罷庶使官吏不至過有誅求而民無騷擾之害未累齋集輪對劄子 乾德三年三月太祖以軍旅餼餉當預為之備不可臨時厚斂於民乃於講武殿後別為內庫以貯金帛號曰封樁凡歲終用度贏餘之數皆入焉至景德四年十月真宗謂群臣王旦等曰太祖以來有景福內庫太宗改名內藏庫所貯金帛備軍國之用非自奉也二聖平荆湖西蜀嶺表益河東所費巨萬皆出於是不取於民以陳彭年所撰內藏庫記示之 臣聞傳說告高宗曰惟事事乃其有備有備無患國朝之有內帑所以為軍旅凶荒之先備也歲月愈深則儲蓄愈富自太祖肇始至于太宗財貨山積每千計用一牙錢記之名物不同錢色亦異制敵救荒之具沛然有餘此真宗所以形於嘆美也今陛下躬行儉約崇尚朴素雖大禹之菲飲食惡衣服卑宮室何以過此不知內帑之積足以為兵荒之備否乎聞之道路陛下言中用度比之先朝僅及其半此節儉之至也不知所節之財皆歸諸內帑否乎七八年來內無供億之費而房廊宮莊之人無異往時大農不得而預也不知悉輸於內庫否乎淳熙間臨夫

守臣始以羨餘繕錢為獻每歲十萬後復益之每季一獻遂至四十萬皆入禁中以充崎弁之用此乾道以前之所無有也陛下游心濬泊不通聲色宮掖之內無復此樂不知此四十萬繕復何所歸乎如使此等錢皆歸內帑日積月累財計安得不裕神宗元豐中所儲羨財凡三十二庫較之三朝又過之矣神宗志在有為所以先為之備不得不然也陛下可不鑒觀於此哉金虜衰微行且滅矣金亡之後群雄紛然皆與我為敵國而吾所以待之者亦惟曰和戰兩端而已與之戰乎安得兵力如是之勁與之和乎安得歲幣如是之多此誠未易處也然則今日之內帑其可不汲汲為緩急之先備哉藝祖嘗言北虜精兵不過十萬我以二十絹易一胡人首費絹二百萬而虜盡矣偉哉英姿雄略經畫大事如指諸掌惟其先事而有備也陛下當今日可為之時誠能講求乎可為之具亦何向而不濟此內帑之儲所以不可不愛惜也抑人有言累土可以為山何者積之使然也又曰江海不能實漏危何者有所自洩也故儲蓄則為莫大之利而滲漏則為莫大之害謹其隄防明其要末常如先朝之時則內帑之豐亦當無異於先朝矣惟聖主聖圖之李椿樞編中省論椿積有名無實椿嘗聞之經曰何以聚人曰財切見朝廷養兵練士以錢穀為急今來會

永樂大典卷六十五

十一

度所用每月旋營帑藏又遠遯旬那允則錢穀可謂匱乏矣而未有豐儲倉之積錢有南上庫之儲則錢穀固自在也所謂積者椿者本非有餘移東就西奪彼予此爾數年以來朝廷戶部遂分彼此往借索還有如市道殊非國體此陽城所以切齒於裴延齡者以其欺誕冒寵詭若誤國為萬世罪人今觀史者慈其所為也仰惟主上剛明大臣方正而於予奪移就之弊未能革而正之識者咸知其非莫敢有言者委靡之風未振惟恐言出禍主故士夫相與悅仲度日但為身謀而不謀國事椿衰老庸陋加以病纏綿三年之久未得脫然無望於世矣誤蒙君父異知朝廷權用苟有欲言而不吐露則含恨就死豈不辜負天地父母之恩用是不敢有隱伏望朝廷鑒前代之失懲佞臣之欺凡百政事不止於錢穀各付所司委任責成勤勞者賞之誠實者信任之賢能者獎進之庸謬者免之有過者罰之慢易者責之賞私者逐之欺誑者誅之則眾無不治之事矣聖君大臣圖治人材教化政令軍國大事坐而論之收夫知事椿樞借還有如市道宜宜上瀆聖君而浼煩大臣耶伏乞鈞察

月椿 建炎以來

朝野雜記月椿錢者自紹興二年冬始是時淮南宣撫使韓世忠駐車建康宰相呂元直未歲一共議令江東漕臣月椿錢十萬繕以酒稅上供經

永樂大典

卷六五二四

制等錢應到其後江浙湖南皆有之雖命以上供經制係省封條等錢充其數然所播不能給之一二故郡邑多橫賦於民如江南之科罰湖南之勉引在上者迄無以禁之大為東南之患紹興九年李泰發東政為上言月椿錢害民而江東西尤甚請損之遂命諸路漕司均定如案名不足取者自朝廷給降不得一毫及民二月甲子然卒不能大有所減十七年朝廷既罷兵又命監司郡守將寬剩錢撥充月椿以寬民力八月己未其後遂減江東西月椿錢二十七萬七千緡有奇九月乙亥減徽州各五萬

水樂大典卷六千五百五

國軍減三千緡州南安軍各減二千今東南月椿錢最為濫錢猶三百九十餘萬又有版帳錢者軍興後諸色皆有之而湖中為尤甚紹興元年夏議者請令監司州郡覓屬縣無名之取以紓民力時朝請郎四明劉侯守岳陽會四縣版帳之額為二萬一千餘緡而無案民者萬一千餘緡乃與提刑丁端叔漕判薛蒙先議取凡無名者盡蠲之舉一郡而言則其餘可知矣其餘郡未減者今猶存月椿錢始於紹興之二年時韓世忠駐師建康宰相呂頤浩未勝非其議令江東漕臣月椿發大軍錢十萬緡於朝廷上供經制及漕司移用等錢應辦當時漕司不量州軍之力一例拘地既有偏重之弊又於本司移用錢不肯取撥止取於朝廷案名曾不能給十之二三上供經制無額添酒錢并淨利錢贍軍酒息錢常平錢及諸司封椿不封椿係省錢皆是朝廷案名之於是州縣橫歛錢積累僅能充數一月未畢而月後之期已過江東西之害尤甚末會高宗紹興七年正月六日戶部負外郎霍嘉言竊見方今軍事所須而病民最甚者莫如月椿錢所謂月椿錢者不問州郡有無皆有定額所椿案名曾不能給其額之什二三自餘則一切出於州縣之吏臨時措畫鍊鍊而積僅能充數一月未畢而後月之期已迫矣願詔諸路守臣各條其逐州所椿之錢實

永樂大典

卷六五二四

有粟民者幾何臨時措畫者若為而辨上之朝廷在諸路漕臣衆決可否而罷行之兼勘會江西湖南合認發岳飛軍月椿錢并見此字宋彭止堂集東州萬載縣減月椿記 淳熙丙午二月某日江西轉運判官王公回將上首數束之分宜歲計道萬載宰王傑伯游具以其色厝告王公慨然曰獨分宜有上命乎皆吾道也合計之於是大會色之出入盈縮得其賦目不稱狀乃與守張公康議畫錫宿負計椿錢一萬六千有奇異時萬載歲得由若干斛復增若干斛為若干斛以佐其乏沿催錢舊以送使則又割千椿予縣事下邑之士若民間之驩曰吾民其少寬矣乎是不可不記則獨以書屬某曰自韓文公論刺史觀察使不以情實相于及今數百年事變之來雖各有故而其病大率皆出一脉姑觀吾州之月椿縣它所增倍從不啻質之舊志乃創初時守忤將漕者故贏其數幾陷守于度二人之惡固雲散電滅矣而此錢一文幾與天地相終始上下磨隔獨乃至是今王公能與吾守定議捐賦以寬吾邑使來者不敢藉之以擾民不記不可也某曰飢不厭大賈渴不厭滿腹此邑人之情固也然王公宜多此乎公近且將舉一州一路利病罪行之不難遠且天下毋寧茲邑今僅為是於公意思不足何如則曰前七年歲在己亥上嘗詔天下計使通融郡邑

永樂大典卷六五二四

十三

財賦詔出掖門憂國者日日耳竊令大未有慮者今王公將首計分宜而併萬載得損所贏蓋所屬王人不當如是耶若傳喜事者慕畏事者勸利不獨吾一邑而已某曰是宜記某月某日李在簡公集論諸路月椿之弊劉子 臣契勘諸路月椿最為民間重害而江東西為甚元降指揮取檢應干上供封樁諸司并州縣等不以有無拘礙上供經制酒稅課利及漕司移用等錢椿樁如此州縣尚自應辦不足今江南路漕司往往將移用等錢於逐州主管司專委通判拘收不許取撥遂致民不堪命欲望聖慈特降睿旨行下諸路應有月椿錢並許將諸色錢椿樁如有餘方許漕司拘收庶幾蠲畝之民不至失業取進止 小貼子契勘諸路月椿錢當時守臣不量民力有承認偏重去處重為民害如撫信二州是也欲望聖慈行下諸路漕司將逐州每歲所數不得輕有輕重以傷民力張守昆茂集乞蠲減月椿劉子 契勘本路州軍自金人蹂踐之後饑饉相因盜賊群起公私匱竭不比他路今月椿之數雖累蒙蠲減而洪州撫州尚自偏重訪聞撫州昨隸江東遂兼認兩路之數洪州贍養申統制安撫大使司丘贊下撥到親兵所費四千餘貫亦係月椿通計一月實合管認發錢一萬八千八百餘貫本州將諸縣裏外極力收簇不過得錢九千餘貫其八千

九百餘貫未有可以那撥去處朝廷及宣諭司不見得中統制及親兵一項只作一萬四千貫定數况岳太尉軍前并中統制親兵寨皆係軍兵計日指準不可稍有欠闕伏望朝廷指揮將本路月椿錢再賜詳酌蠲減數目或將撫州江東路錢除豁却將洪州錢再行減數與撫州均認庶幾尚可收獲不致闕誤劉才邵杉溪集上殿論減月椿劄子伏見諸路州縣月椿先蒙朝廷慮困民力特與蠲免減數目行下州縣以係省錢經制錢椿辦此莫大之惠也比聞州縣間有以憲漕司占吝各司所撥名色復責令州縣措辦未免陰取於民遂使寬澤不能下究臣愚欲望聖慈特降旨下有司申嚴法禁俾監司州縣恪意奉承專委帥臣覺察如有違戾去處乞重賜施行庶幾民需實惠不勝至幸取進止

撒星

椿 齊東野語樊襄自咸淳丁卯被圍以來生兵日增五月兵至襄城而既感夏貴乃募壯士至夏節使軍求援得二人能伏水中數日不食使持書以出至椿若欄則腰鋸斷之徑達夏軍得報而還許以軍五千駐龍尾洲以助夾擊克日既定責提所部軍點視登舟失帳前親隨一人乃宿來有過遺徒者責驚歎曰吾事泄矣然急出或未及知耳乃乘夜鼓譟衝突

永樂大典卷六千音雷

十四

斷絕破圍首進來皆辟易既沒險要之地時夜半天黑至小新城敵方覺遂以兵數萬邀擊之責又為燕底紅百餘艘中主旗幟各立軍士於兩艘以誘之敵皆就躍以人溺死者萬餘亦昔人未出之奇也

暗椿

經鉅堂雜記雪川自五代以來不經兵大以其環城皆水可釘椿犬

馬黃弩椿

宋會要神宗元豐六年六

牙相錯多下暗椿舟載稍重則為暗椿所礙舟稍大則不能入椿進退不可也

株

椿

前庭堅詩棧棟作株椿

係牛椿

韻府群玉道家以鼻為係牛椿

莊

側霜切韻野玉玉篇作郎切壯立貌

濬

側霜切陸法言廣韻深水立濬宋重修廣韻都江切馬光新篇珠江切韓道昭五音類聚智江切捷水深濬也楊桓六書統照母韻本春聲

瀟

六書統

瀆

六書統

重錄總校官侍郎 臣 高 祺

學士 臣 陳 以 勤

分校官編修 臣 呂 文

書寫儒士 臣 吳 一 鸞

團點監生 臣 徐 克 私

臣 歐 陽 智